



ԱՎԱՐՏԱԾԱՌԵՐԻ ՊԱԾՏՊԱՆՈՒԹՅՈՒՆ ՀՈԳԵՎՈՐ ԾԵՄԱՐԱՆՈՒՄ

Մարտի 9-ին, շաբաթ, ժամը 13-ին, հոգևոր
ճեմարանի հանդիսությունների դահլիճում
տեղի ունեցավ 1965—66 ուսումնական
տարվա հոգ. ճեմարանի շրջանավարտներ
բարեջնորհ եղիշե, Գրիգոր և Հովհաննես
սարկավագների ավարտաճառների բանավոր
պաշտպանությունը՝ գեր. տ. Հայկազուն
արք. Աբրահամյանի նախագահության ներ-
քո:

Զննիչ հանձնաժողովը, բաղկացած ճեմա-
րանի դասախոսներ Ա. Հատիսյանից, Պ.
Ծախբազյանից, արժ. տ. Հովհաննես քահ.
Մարությանից և Ս. Հովսիպյանից, առանձին
քննության առնելով ներկայացված ավար-
տաճառերը միջնորդություն էր հարուցել
հոգ. ճեմարանի տեսչության մոտ բանավոր
պաշտպանության թույլտվության համար:

Ներկայացված դիպլոմային աշխատանք-
ների գնահատականի և թերությունների մա-
սին հանձնաժողովի ներկայացրած գեկու-
ցագրից հետո, խոսք տրվեց շրջանավարտ
սարկավագներին: Նրանցից յուրաքանչյու-
րը բանավոր պաշտպանության ժամանակ
ներկայացրեց իր նյութը և պատասխանեց
հանձնաժողովի և ներկաների հարցերին:

Բարեջնորհ եղիշե արկ. Բաղդամյանի ա-
վարտաճառի նյութն էր «Ս. Վահան Գողթ-
նացի» բաղկացած 7 գլուխներից: Գրիգոր
արկ. Բունիաթյանի նյութն էր «Ծախբազյանի
ժողովը» բաղկացած 5 գլուխներից, իսկ
Հովհաննես արկ. Հակոբյանից՝ «Գրիգոր
Տղա» բաղկացած 6 գլուխներից:

Հոգ. ճեմարանի տեսուչ հոգ. տ. Ներսես
ծ. վրդ. Պողապալյանը վերջում ամփոփեց

ավարտաճառների բանավոր պաշտպանու-
թյան արդյունքները և խնդրեց ճեմարանի
նախկին տեսուչ գեր. տ. Հայկազուն արք.
Աբրահամյանին հանուն Վեհափառ Հայրա-
պետի շրջանավարտներին հանձնել դիպ-
լոմները:

Գեր. արքագանը նախ շնորհավորական
խոսքեր ուղղեց շրջանավարտներին հորդո-
րելով նրանց երբեք չլքել իրենց գրասե-
ղանն ու գրիչը: Նա հատկապես շեշտեց այն
միտքը, որ ոչ թե ավարտվում է նրանց ուս-
ման ընթացքը, այլ այն նոր պետք է սկսվի,
որից հետո ընդհանուր խանդավառության
ու ծափահարությունների մեջ նրանց հանձ-
նեց դիպլոմները:

Դիպլոմների հանձնումից հետո տեսուչ
հայր սուրբը շրջանավարտներին առաջնոր-
դեց Վեհափառ, ուր նրանք ներկայացան Վե-
հափառ Հայրապետին և ստացան նրա օրհ-
նությունները:

Վեհափառ Հայրապետը շնորհավորեց
նրանց և թելադրեց, որ Մայր Աթոռի երի-
տասարդ միաբանները լինեն ոչ միայն ա-
ղոթքի ու աշխատանքի, այլ նաև գիր ու գրա-
կանության մարդիկ:

Այս առթիվ Վեհափառ Հայրապետը բա-
րեջնորհ սարկավագներին մեկ-մեկ ժամա-
ցույց նվիրեց:

«Էջմիածին» ամսագրի խմբագրությունը
ևս շնորհավորում է շրջանավարտներին և
մաղթում, որ նրանք լինեն Մայր Աթոռին և
Վեհափառ Հայրապետին արժանի միա-
բաններ և զավակներ:

